



Broj: 07-45-75/25
Sarajevo, 16.01.2025. godine

Bosna i Hercegovina
Federacija Bosne i Hercegovine
Kanton Sarajevo
STRUČNA SLUŽBA VLADE KANTONA SARAJEVO
Sekretar Vlade Kantona Sarajevo

Predmet: Odgovor na dostavljeno zastupničko pitanje upućeno na 18. radnoj sjednici
Skupštine Kantona Sarajevo

Veza: Vaš akt broj: 16-04-53531-17/24 od 06.01.2025. godine

Dana 08.01.2025. godine, Zavod za planiranje razvoja Kantona Sarajevo (u daljnjem tekstu: Zavod) je zaprimio Vaš dopis kojim nam dostavljate zastupničko pitanje zastupnika u Skupštini Kantona Sarajevo Faruka Selmanovića, upućeno na 18. radnoj sjednici Skupštine Kantona Sarajevo.

Pitanjem se traži informacija kada će Vlada Kantona Sarajevo dostaviti Skupštini Kantona Sarajevo:

1. Prijedlog Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća),
2. Prijedlog Urbanističkog plana za urbano područje Ilijaš,
3. Prijedlog Urbanističkog plana za urbano područje Hadžići, te
4. Prijedlog Urbanističkog plana za urbano područje Trnovo, zajedno sa Prijedlozima Odluke o provođenju za navedene planove.

Postupajući po predmetnom pitanju, prije svega ističemo da je Zavod u sklopu svoji programskih aktivnosti za 2025. godinu (Program rada Zavoda za planiranje razvoja Kantona Sarajevo za 2025. godinu), planirao maj 2025. godine kao rok za izradu Prijedloga četiri urbanistička plana na području Kantona Sarajevo sa implementiranim prihvaćenim primjedbama iz Izvještaja o provedenoj Javnoj raspravi i javnom uvidu na Nacrt urbanističkih planova na području Kantona Sarajevo.

Shodno Zakonu o prostornom uređenju („Službene novine KS“, broj 7/05), Zakonu o prostornom uređenju Kantona Sarajevo („Službene novine KS“, broj 24/17, 1/18) i Uredbi o jedinstvenoj metodologiji za izradu planskih dokumenata („Službene novine FBiH“, br. 63/04, 50/07 i 84/10), Nositelj pripreme Plana (u ovom slučaju Vlada Kantona Sarajevo) zauzima stav u pogledu dostavljenih primjedbi i sugestija sa održanog Javnog uvida i javnih rasprava, kao i mišljenja Savjeta plana sa obrazloženjem i razlozima zbog kojih pojedine primjedbe i sugestije nisu prihvaćene, a isto je sublimirano u Izvještaju o provedenom Javnom uvidu i javnoj raspravi. Izvještaj je sačinjen i verifikovan od Strane savjeta plana, te se usvaja na Vladi KS.

Nakon što Nosilac pripreme Plana Izvještaj dostavi Zavodu (Nosiocu izrade Plana), Zavod je dužan i u tekstualnom i grafičkom dijelu Prijedloga planskog dokumenta izvršiti izmjene u skladu sa prihvaćenim primjedbama na Nacrt planskog dokumenta. Rok za izradu Prijedlog plana teče nakon što Nosilac pripreme Plana dostavi Zavodu usvojen Izvještaj o provedenom Javnom uvidu i javnoj raspravi na Vladi Kanton Sarajevo.

Slijedom navedenog, informišemo vas da se tokom januara 2025. godine, vrši priprema podloga za izradu Izvještaja o provedenom javnom uvidu i javnoj raspravi, odnosno sublimiranje i analiza pristiglih primjedbi i njihovo unošenje u geoinformacionu bazu urbanističkih planova (prostorno identificiranje i lociranje sa pripadajućim atributivnim tabelama), a kako bi se isti mogli preklapati sa podacima nacrt planova i ostalim prostornim podacima koje Zavod posjeduje u svojoj arhivi, te adekvatnu i kvalitetnu obradu zahtjeva. U Zavodu je putem protokola zaprimljeno 680 primjedbi.

Sljedeći korak je prezentacija pripremljenih podloga općinama, Savjetu plana i Nosiocu pripreme plana i dogovor o dinamici izrade Izvještaja, o čemu će Nosilac pripreme zauzeti konačan stav.

Dostaviti:

- naslovu
- a/a



Direktor

Faruk Muharemović, Mr. dipl.ing.arh.